

# «ՀԱՎԱՏԱՐՄԱԳՐՄԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

### ՕՐԵՆՔԸ

#### «ՀԱՎԱՏԱՐՄԱԳՐՄԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

**Հոդված 1.** «Հավատարմագրման մասին» Հայաստանի Հանրապետության 2012 թվականի փետրվարի 8-ի ՀՕ-20-Ն օրենքի (այսուհետ՝ Օրենք) 1-ին հոդվածի.

- 1-ին մասում՝

ա. «հավատարմագրման ազգային մարմին» բառերից հետո լրացնել (այսուհետ՝ ԱՐՄՆԱԲ) բառը:

բ. «հավակնող» բառից հետո լրացնել «Հայաստանի Հանրապետության կամ այլ երկրների» բառերը:

գ. հանել ֆիզիկական ու՝ բառերը:

- 2-րդ մասում հանել «փորձարկում, տրամաչափարկում, տեխնիկական հսկողություն, սերտիֆիկացում և» և «այլ» բառերը:

**Հոդված 2.** Օրենքի ամբողջ տեքստում փամապատասխանության գնահատման մարմին՝ բառերն իր հոլովածներով փոխարինել ֆՀԳՄ հապավմամբ՝ համապատասխան հոլովածներով, իսկ «հավատարմագրման ազգային մարմին» բառերն իր հոլովածներով փոխարինել ԱՐՄՆԱԲ բառով՝ համապատասխան հոլովածներով:

**Հոդված 3.** Օրենքի 2-րդ հոդվածի 1-ին մասում.

- 1-ին և 2-րդ կետերը շարադրել հետևյալ խմբագրությամբ.

«1) **հավատարմագրում**՝ ԱՐՄՆԱԲ-ի կողմից հավաստում, որ համապատասխանության գնահատման մարմինը (այսուհետ՝ ՀԳՄ) համապատասխանում է ներդաշնակեցված ստանդարտներով սահմանված պահանջներին և կիրառելիության դեպքում համապատասխան ոլորտային

սխեմաներով սահմանված լրացուցիչ պահանջներին՝ համապատասխանության գնահատման որոշակի գործունեություն իրականացնելու համար.

- **Հավատարմագրման ազգային մարմին**՝ Հայաստանի Հանրապետության կառավարության կողմից ստեղծված միակ մարմին, որը սույն օրենքով և այլ իրավական ակտերով սահմանված կարգով ունի ՀԳՄ-ների հավատարմագրում իրականացնելու լիազորություններ.».».

2) 4-րդ կետը շարադրել հետևյալ խմբագրությամբ.

□4) **հավատարմագրման ոլորտ**՝ համապատասխանության գնահատման կոնկրետ գործունեություն, որի համար հավատարմագրման հարցում է արվել, կամ արդեն իրականացվել է հավատարմագրումը.□

- 6-րդ կետում «համապատասխանության գնահատման մարմնի հավատարմագրման վերաբերյալ ազգային մարմնի կայացրած որևէ անբարենպաստ որոշման վերանայման պահանջ» բառերը փոխարինել «ՀԳՄ-ի կողմից դիմում իր հավատարմագրման կարգավիճակի վերաբերյալ ԱՐՄՆԱԲ-ի կայացրած բացասական որոշման վերանայման վերաբերյալ» բառերով.
- 7-րդ կետում «գործընթացին,» բառից հետո լրացնել «ծառայությանը,» բառը:
- 8-րդ կետը շարադրել հետևյալ խմբագրությամբ.

«8) **համապատասխանության գնահատման մարմին**՝ համապատասխանության գնահատման գործունեություն իրականացնող մարմին, որը կարող է հանդիսանալ հավատարմագրման օբյեկտ.

6) 9-րդ կետն ուժը կորցրած ճանաչել:

7) 10-րդ և 12-րդ կետերը շարադրել հետևյալ խմբագրությամբ.

«10) **հավատարմագրման ընդլայնում**՝ հավատարմագրման ոլորտին համապատասխանության գնահատման գործունեության ավելացում.

12) **հավասարության սկզբունքներով փոխադարձ գնահատում**՝ միջազգային և (կամ) տարածաշրջանային փոխճանաչման համաձայնագրերի կողմ կամ հավակնորդ հանդիսացող օտարերկրյա հավատարմագրման ազգային մարմինների կողմից ԱՐՄՆԱԲ-ի գնահատում սահմանված պահանջներին և, կիրառելիության դեպքում, լրացուցիչ ոլորտային տեխնիկական մասնագրերին համապատասխան.».».

8) 13-րդ կետում «դադարեցման գործընթաց» բառերը փոխարինել «դադարեցում» բառով:

9) 14-րդ և 15-րդ կետերը շարադրել հետևյալ խմբագրությամբ.

«14) **հավատարմագրման կասեցում**՝ հավատարմագրման ոլորտի լրիվ կամ

մասնակի ժամանակավոր սահմանափակում.

15) **հավատարմագրման դադարեցում**՝ հավատարմագրման ամբողջ ոլորտի դադարեցում.»:»:

10) 16-րդ կետում «գնահատման» բառից հետո լրացնել «ենթակա» բառը:

11) 18-րդ կետը շարադրել հետևյալ խմբագրությամբ.

«18) **հսկողություն**՝ համապատասխանության գնահատման օբյեկտի ուսումնասիրություն և դրա համապատասխանության որոշում սահմանված պահանջներին կամ մասնագիտական դատողության հիման վրա ընդհանուր պահանջներին.»:»:

12) 19-րդ կետը շարադրել հետևյալ խմբագրությամբ.

«19) **սերտիֆիկացում**՝ համապատասխանության գնահատման օբյեկտի հավաստում երրորդ կողմի միջոցով՝ բացառությամբ հավատարմագրման.»:»:

- 20-րդ կետում «նշանակել է» բառից հետո լրացնել «միայնակ կամ որպես գնահատման խմբի անդամ» բառերը:
- 21-րդ կետը շարադրել հետևյալ խմբագրությամբ.

«21) **տեխնիկական փորձագետ**՝ տեխնիկական փորձագետների ռեեստրում գրանցված և հավատարմագրման մարմնի կողմից նշանակված անձ, ով աշխատում է գնահատողի պատասխանատվության ներքո և գնահատման ենթակա հավատարմագրման ոլորտում ունի համապատասխան մասնագիտական գիտելիքներ կամ փորձ և ինքնուրույն չի իրականացնում գնահատում.»:»:

- 21-րդ կետից հետո լրացնել նոր 21.1 կետ՝ հետևյալ խմբագրությամբ.

□21.1) **գնահատում**՝ ԱՐՄՆԱԲ-ի կողմից ստանդարտի(ների) և (կամ) այլ նորմատիվ փաստաթղթերի և սահմանված հավատարմագրման ոլորտի հիման վրա ՀԳՄ-ի իրազեկությունը որոշելու համար իրականացվող գործընթաց.□

- 22-րդ կետը շարադրել հետևյալ խմբագրությամբ.

«22) **պարբերական գնահատում**՝ ԱՐՄՆԱԲ-ի կողմից համապատասխանության գնահատման գործունեության պարբերաբար հետևում, որը հիմք է հանդիսանում համապատասխանության վերաբերյալ հայտարարության վավերականության/գործողության ժամկետի պահպանման համար.»:»:

- 22-րդ կետից հետո լրացնել նոր 22.1 և 22.2. կետեր՝ հետևյալ խմբագրությամբ.

□22.1) **արտահերթ գնահատում**՝ գործընթաց, որը համաձայն հավատարմագրման կարգի իրականացվում է ԱՐՄՆԱԲ-ի կողմից

հավատարմագրված ՀԳՄ-ի գործունեության վերաբերյալ ստացված բողոքների կամ ՀԳՄ-ի հավատարմագրման պայմանների փոփոխությունների կամ այլ դեպքերում, ինչը կարող է ազդել ՀԳՄ-ի հավատարմագրման պահանջները կատարելու ունակության կամ իրազեկության վրա.»:

22.2) **բողոք`** որևէ անձի կամ կազմակերպության կողմից դժգոհության գրավոր արտահայտում հասցեագրված ԱՐՄՆԱԲ-ին, որը վերաբերում է ԱՐՄՆԱԲ-ի կամ հավատարմագրված ՀԳՄ-ի գործունեությանը, և որի համար ակնկալվում է պատասխան.»:

- 23-րդ կետում «արտադրանքի, » բառից հետո լրացնել «գործընթացի, ծառայության,» բառերը.
- 24-րդ կետում «իրազեկություն`» բառից հետո լրացնել «նախատեսված արդյունքներին հասնելու համար» բառերը:
- 24-րդ կետից հետո լրացնել նոր 25 կետով.

**«25) հավատարմագրման ազգային մարմնի պատկերանիշ`** Հայաստանի Հանրապետության օրենսդրությամբ սահմանված կարգով գրանցված պատկերանիշ, որը կիրառվում է ԱՐՄՆԱԲ-ի կողմից` իրեն նույնականացնելու համար.»:

**Հոդված 4.** Օրենքի 4-րդ հոդվածի 1-ին մասի`

- 2-րդ կետում հանել «սպառողների» բառը:
- 4-րդ կետում «միջազգային» բառից հետո լրացնել «և (կամ) տարածաշրջանային» բառերը:

**Հոդված 5.** Օրենքի 5-րդ հոդվածի 2-րդ մասի`

- 7-րդ կետում «արհեստավարժություն.» բառը փոխարինել «իրազեկություն.» բառով:
- 9-րդ կետում «և»-ից հետո լրացնել (կամ) շաղկապը:

**Հոդված 6.** Օրենքի 6-րդ հոդվածի 1-ին մասի`

- 1 կետն ուժը կորցրած ճանաչել:
- 2-րդ կետում «հավատարմագրման տեխնիկական կոմիտեները» բառերը փոխարինել «հավատարմագրման խորհուրդը, կոմիտեները և հանձնաժողովները» բառերով:

**Հոդված 7.** Օրենքի 7-րդ հոդվածի 1-ին մասի`

- 1-ին կետում «մշակում» բառից հետո լրացնել «և համակարգում» բառերը:
- 1-րդ կետում «անդամավճարի» բառը փոխարինել «վճարի» բառով:
- 1-ից հետո լրացնել նոր 5.2 և 5.3 կետեր` հետևյալ բովանդակությամբ.

«5.2) հաստատում է հավատարմագրման վկայագրի, համապատասխանության գնահատման չկանոնակարգվող և կանոնակարգվող ոլորտներում կամավոր սերտիֆիկացման

համապատասխանության սերտիֆիկատների ձևերը.

5.3) հաստատում է ԱՐՄԱԲ-ի պատկերանիշը, հավատարմագրման նշանը և դրանց կիրառման կարգը.»:

- 1-ին մասը լրացնել նոր 6.1), 6.2) և 6.3) կետերով՝ հետևյալ խմբագրությամբ.

□6.1) հաստատում է հավատարմագրված ՀԳՄ-ներին ազգային և Եվրասիական տնտեսական միության ՀԳՄ-ների միասնական ռեեստրի ազգային մասում ներառելու և հանելու կարգը.

6.2) սահմանում է կանոնակարգման ոլորտի համապատասխանության գնահատման փաստաթղթերի կասեցման, վերականգնման և դադարեցման կարգը.

6.3) հաստատում է խորհրդի անհատական կազմը և աշխատակարգը.

6.4) հաստատում է ԱՐՄԱԲ-ի կողմից ՀԳՄ-ների հավատարմագրման կարգը.»:

### **Հոդված 8.** Օրենքի 8-րդ հոդվածի՝

- 2-րդ մասը շարադրել հետևյալ խմբագրությամբ.

□2. Հավատարմագրման ազգային մարմնի անվանումն է «Հավատարմագրման ազգային մարմին»: Այն պետական ոչ առևտրային կազմակերպություն է, որը ունի իրավաբանական անձի կարգավիճակ և շահույթ ստանալու նպատակ չի հետապնդում:□:

- 4-րդ մասի՝

ա. 1-ին կետը շարադրել հետևյալ խմբագրությամբ.

«1) կառուցվածքով անկախ է և չունի ֆինանսական կամ կառավարչական հետաքրքրություն իր կողմից գնահատվող ՀԳՄ-ների նկատմամբ ու ապահովում է շահերի բախման բացառումը համապատասխանության գնահատման մարմինների հետ.»:

բ. 2-րդ կետում «անաչառությունը.» բառից հետո լրացնել «, խորհրդատվություն չի տրամադրում ՀԳՄ-ին և չի մրցակցում վերջինների հետ» բառերը:

գ. 8-րդ կետում «համապատասխանության» բառը փոխարինել «իրազեկության» բառով:

դ. 9-րդ և 10-րդ կետերը շարադրել հետևյալ խմբագրությամբ.

«9) մշակում, ներդնում և կիրառում է ԻՍՕ/ԻԷԿ 17011 միջազգային ստանդարտին համապատասխան ընթացակարգեր, այդ թվում՝ հավատարմագրման, աշխատակիցների կատարողականի և իրազեկության

մոնիթորինգի, հավատարմագրված ՀԳՄ-ների գործունեության վերաբերյալ բողոքների քննարկման ընթացակարգեր.

10) հավաստում է, որ համապատասխանության գնահատումներն իրականացվեն պատշաճ ձևով՝ առանց կազմակերպության վրա լրացուցիչ բեռ դնելու և հաշվի առնելով կազմակերպության չափը, գործունեության ոլորտը, կառուցվածքը, արտադրանքի տեխնոլոգիական գործընթացի բարդության աստիճանը, ինչպես նաև արտադրական գործընթացի զանգվածային կամ սերիական բնույթը.»:

3) 4-րդ մասը լրացնել նոր 11.1)-ից 11.18) կետերով՝ հետևյալ խմբագրությամբ.

□11.1) ուսումնասիրում և վերլուծում է ՀԳՄ-ների հավատարմագրման հետ կապված փաստաթղթերը, որի արդյունքում կայացնում է հավատարմագրման կամ հավատարմագրումը մերժելու, հավատարմագրումն ընդլայնելու, կրճատելու, պահպանելու, ինչպես նաև կասեցնելու, վերականգնելու, դադարեցնելու, վերահավատարմագրելու վերաբերյալ որոշումներ, ինչպես նաև հավատարմագրման պայմանագրի լուծման դեպքում ընդունում է հավատարմագրումը դադարեցնելու վերաբերյալ որոշում.

11.2) առաջարկություններ է ներկայացնում լիազորված պետական կառավարման մարմին հավատարմագրման վկայագրի, ՀԳՄ-ի կողմից տրամադրվող համապատասխանության գնահատման չկանոնակարգվող և կանոնակարգվող ոլորտներում կամավոր սերտիֆիկացման համապատասխանության սերտիֆիկատների ձևերի վերաբերյալ.

11.3) առաջարկություններ է ներկայացնում լիազորված պետական կառավարման մարմին ԱՐՄԱԲ-ի պատկերանիշի և հավատարմագրման նշանի կիրառման կարգի վերաբերյալ.

11.4) ապահովում է հավատարմագրման գործընթացի և հավատարմագրված ՀԳՄ-ների պարբերական գնահատման, վերահավատարմագրման, ինչպես նաև արտահերթ գնահատման իրականացումը.

11.5) ապահովում է Հայաստանի Հանրապետության կառավարության կողմից սահմանված կարգով հավատարմագրված ՀԳՄ-ների, հավատարմագրման փորձագետների (գնահատողների) ու տեխնիկական փորձագետների, ինչպես նաև ՀԳՄ-ների կողմից տրված համապատասխանության սերտիֆիկատների և գրանցված համապատասխանության հայտարարագրերի ռեեստրների ձևավորումը և վարումը, նշված ռեեստրներից տեղեկատվության տրամադրումը.

11.6) կասեցնում, վերականգնում և դադարեցնում է համապատասխանության գնահատման փաստաթղթերը, որի կարգը սահմանվում է լիազորված պետական կառավարման մարմնի կողմից.

11.7) ՀԳՄ-ի կողմից հավատարմագրման կրճատման, կասեցման կամ դադարեցման դիմումի ներկայացման դեպքում հավատարմագրման կարգով սահմանված ժամկետում ընդունում է համապատասխան որոշում.

11.8) ընդունում է որոշումներ հավատարմագրված ՀԳՄ-ներին ազգային և Եվրասիական տնտեսական միության ՀԳՄ-ների միասնական ռեեստրի ազգային մասում ներառելու կամ հանելու վերաբերյալ.

11.9) կազմակերպում է համապատասխանության գնահատման ոլորտի մասնագետների համար հավատարմագրման վերաբերյալ գիտաժողովներ, վերապատրաստման և որակավորման դասընթացներ, որակավորում է հավատարմագրման փորձագետներին (գնահատողներին) և շնորհում համապատասխան վկայագրեր.

11.10) ստեղծում է բողոքարկման հանձնաժողով և սահմանում բողոքարկման հանձնաժողովի գործունեության ու բողոքարկումների քննարկման կարգը՝ անհրաժեշտության դեպքում ներառելով իրավական երաշխիքներ հավատարմագրման կամ հավատարմագրման մերժման որոշումների վերաբերյալ.

11.11) ստեղծում է հորհրդատվական տեխնիկական կոմիտեներ և սահմանում դրանց գործունեության կարգը.

11.12) տրամադրում է ՀԳՄ-ներին հավատարմագրման վկայագրեր, ինչպես նաև վերաձևակերպված հավատարմագրման վկայագրեր.

11.13) տրամադրում է տեղեկություն հավատարմագրման գործընթացի վերաբերյալ շահագրգիռ կողմերին.

11.14) ներկայացնում է Հայաստանի Հանրապետությունը միջազգային համագործակցության շրջանակներում և մասնակցում է հավատարմագրման տարածաշրջանային և միջազգային կազմակերպությունների աշխատանքներին.

11.15) կազմակերպում է համապատասխանության սերտիֆիկատների, պետական գրանցման վկայականների բլանկների տպագրությունը և դրանք ՀԳՄ-ներին տրամադրումն ու հաշվառումը.

11.16) իր իրավասության սահմաններում կնքում է համագործակցության և ՀԳՄ-ների հավատարմագրման երկկողմանի և բազմակողմ փոխադարձ ճանաչման համաձայնագրեր.

11.17) հրապարակում է ԻՍՕ/ԻԷԿ 17011 միջազգային ստանդարտին ներդաշնակ միջպետական ստանդարտի պահանջներով սահմանված հանրամատչելի տեղեկատվությունը.

11.18) հավատարմագրման բնագավառում իրականացնում է նաև գործառույթներ՝ սույն օրենքին և Հայաստանի Հանրապետության օրենսդրությամբ սահմանված կարգով վավերացված Հայաստանի Հանրապետության միջազգային պայմանագրերին համապատասխան ընդունված փաստաթղթերին համապատասխան, ինչպես նաև ունի տվյալ փաստաթղթերով սահմանված իրավունքներ և պարտականություններ:

4)Լրացնել նոր 5-րդ մասով՝ հետևյալ խմբագրությամբ.

«5. Սույն հոդվածի 4-րդ մասի 11.2), 11.8) և 11.9) կետերով սահմանված համապատասխան որոշումների կայացման դեպքում ԱՐՄՆԱԲ-ի կողմից ստեղծվում են հանձնաժողովներ, կոմիտեներ»:

**Հոդված 9.** Օրենքի 9-րդ հոդվածի 2-8-րդ մասերն ուժը կորցրած ճանաչել:

**Հոդված 10.** Օրենքի 10-րդ և 11-րդ հոդվածներն ուժը կորցրած ճանաչել:

**Հոդված 11.** Օրենքի 12-րդ հոդվածի 1-ին մասի`

- 1-ին կետը շարադրել հետևյալ խմբագրությամբ.

«1) փորձարկման, տրամաչափարկման (կալիբրավորման), բժշկական լաբորատորիաները.»:

- 2-րդ կետում «արտադրանքի» բառից հետո լրացնել «, գործընթացի և ծառայությունների» բառերը:
- 5-րդ կետը շարադրել հետևյալ խմբագրությամբ.

«5) հսկողություն իրականացնող մարմինները, այդ թվում` չափման միջոցների ստուգաչափում իրականացնող մարմինները.»:

- 5-րդ կետը լրացնել (որ 5.1), 5.2) և 5.3) կետերով հետևյալ խմբագրությամբ.

«5.1) որակավորման ստուգում իրականացնողները.

5.2) ստանդարտ նմուշներ պատրաստողները.

5.3) շրջակա միջավայրի տեղեկատվության ստուգում և վավերացում իրականացնող մարմինները.»:

**Հոդված 12.** Օրենքի 13-րդ հոդվածը շարադրել հետևյալ խմբագրությամբ.

«Հոդված 13. Հավատարմագրման գործընթացը և ժամկետը.

1. Հավատարմագրման գործընթացն իրականացվում է ԻՍՕ/ԻԷԿ 17011 միջազգային ստանդարտին ներդաշնակ միջպետական ստանդարտի պահանջներին համապատասխան:
2. ՀԳՄ-ների հավատարմագրման և վերահավատարմագրման ժամկետ է սահմանվում չորս տարի»:

**Հոդված 13.** Օրենքի 14-րդ հոդվածի 1-ին մասի 1-ին և 2-րդ կետերը շարադրել հետևյալ խմբագրությամբ.

«1) կիրառում են հավատարմագրման նշանը և (կամ) հավատարմագրման վերաբերյալ տեքստային վկայակոչումը սույն օրենքով սահմանված կարգով հավատարմագրված լինելու դեպքում.

2) դիմում են ԱՐՄՆԱԲ-ին` հավատարմագրվելու, հավատարմագրումը



ընդլայնելու, կրճատելու, կասեցնելու, վերականգնելու կամ դադարեցնելու, հավատարմագրման ոլորտը արդիականացնելու, ինչպես նաև վերահավատարմագրվելու նպատակով.»:

**Հոդված 14.** Օրենքի 15-րդ հոդվածի 1-ին մասի.

- 2-րդ կետում «վճարումներ հավատարմագրման ծառայությունների, գնահատումների համար» բառերը փոխարինել «սույն օրենքի 7-րդ հոդվածի 1-ին մասի 5.1 կետով սահմանված վճարները» բառերով,
- 4-րդ կետում «ոլորտում» բառից հետո լրացնել «և հավատարմագրման վկայագրի գործողության ընթացքում.» բառերով:
- Լրացնել նոր 8-րդ կետով հետևյալ բովանդակությամբ.

«8) հավատարմագրման համար դիմել միայն ԱՐՄՆԱԲ-ին՝ հաշվի առնելով հավատարմագրման տարածաշրջանային և միջազգային կազմակերպությունների պահանջները:»:

**Հոդված 15.** Օրենքի 16-րդ հոդվածն ուժը կորցրած ճանաչել:

**Հոդված 16.** Օրենքի 17-րդ հոդվածի.

- 1-ին մասը ուժը կորցրած ճանաչել,
- 2-րդ մասը շարադրել հետևյալ խմբագրությամբ.

«2. Արգելվում է չհավատարմագրված, հավատարմագրումը դադարեցված կամ կասեցված ոլորտի շրջանակում ՀԳՄ-ների կողմից համապատասխանության գնահատման գործունեության իրականացումը՝ կիրառելով հավատարմագրման նշանը, կամ հավատարմագրման վերաբերյալ տեքստային վկայակոչումը:

**Հոդված 17.** Օրենքը լրացնել նոր 17.1 հոդվածով.

«Հոդված 17.1 Հավատարմագրման լրիվ կամ մասնակի կասեցումը և դադարեցումը

1. Հավատարմագրման լրիվ կամ մասնակի կասեցման հիմք է հանդիսանում՝

1) ՀԳՄ-ի դիմումը,

2) պարբերական, արտահերթ գնահատման, գործունեությանը հետևելու ժամանակ հայտնաբերված անհամապատասխանությունները հավատարմագրման կարգով սահմանված ժամկետներում չվերացնելը,

3) համապատասխանության գնահատման գործունեություն իրականացնելիս ՀԳՄ-ների հավատարմագրման կարգով սահմանված հավատարմագրման չափանիշների, այդ թվում՝ հավատարմագրման ոլորտին առնչվող Հայաստանի Հանրապետության օրենսդրությամբ, Եվրասիական տնտեսական միության փաստաթղթերով սահմանված պահանջների և Հայաստանի Հանրապետության միջազգային պայմանագրերով սահմանված

պարտավորությունների խախտումը,

4) ԱՐՄԱԲ-ի և ՀԳՄ-ի միջև կնքված հավատարմագրման պայմանագրում ամրագրված պարտավորությունների չկատարումը:

2. Հավատարմագրման կասեցման ժամանակահատվածում կամ հավատարմագրման պայմանագրով սահմանված պարտավորությունները չկատարելու դեպքում ՀԳՄ-ը չի կարող ներկայացնել հավատարմագրման ընդլայնման, ինչպես նաև վերահավատարմագրման հայտ:

3. Սույն հոդվածի 1-ին մասի 1-ին կետով սահմանված դեպքում հավատարմագրման կասեցման ժամկետ է սահմանվում դիմումով առաջարկված ժամկետը, բայց ոչ ավելի, քան 4 ամիս:  
Հավատարմագրման կասեցումից հետո պահանջները բավարարելու դեպքում հավատարմագրումը վերականգնվում է ՀԳՄ-ի կասեցման ժամկետի ավարտից առնվազն 5 աշխատանքային օր առաջ ներկայացված դիմումի համաձայն:

4. Սույն հոդվածի 1-ին մասի 2-րդ, 3-րդ և 4-րդ կետերով սահմանված դեպքերում հավատարմագրման կասեցման ժամկետը սահմանվում է ոչ ավելի, քան 4 ամիս՝ ելնելով ՀԳՄ-ի կողմից տրամադրված կասեցման հիմքերը վերացնելու վերաբերյալ միջոցառումներն իրականացնելու ժամկետներից: Կասեցումից հետո հավատարմագրումը վերականգնվում է պարբերական կամ արտահերթ գնահատումների միջոցով:

5. ՀԳՄ-ի հավատարմագրումը դադարեցվում է՝

1) ՀԳՄ-ի դիմումի հիման վրա,

2) սույն օրենքի 17.1 հոդվածի 3-րդ մասով նախատեսված կարգով դիմում չներկայացնելու կամ հավատարմագրման կասեցման հիմքերը նույն հոդվածի 4-րդ մասով նախատեսված կարգով սահմանված ժամկետում չվերացնելու դեպքում,

3) պարբերական կամ արտահերթ գնահատման կամ գործունեությանը հետևելու գործընթացներից հրաժարվելու դեպքում,

4) ԱՐՄԱԲ-ին համապատասխանության գնահատման գործունեությանը վերաբերող տեղեկատվություն չտրամադրելու կամ կեղծ տեղեկատվություն տրամադրելու դեպքում.

5) հավատարմագրման վկայագրի գործողության ժամկետում ԱՐՄԱԲ-ի կողմից ՀԳՄ-ի գնահատումների ընթացքում հայտնաբերված հավատարմագրման ոլորտից դուրս համապատասխանության գնահատման գործունեություն իրականացնելիս համապատասխանության գնահատման փաստաթղթում հավատարմագրման նշան և (կամ) հավատարմագրման վերաբերյալ տեքստային վկայակոչում կիրառելու դեպքում.

6) ԱՐՄԱԲ-ի և ՀԳՄ-ի միջև կնքված հավատարմագրման պայմանագրի լուծման դեպքում.

6. Պարբերական, արտահերթ գնահատումների ժամանակ արձանագրված անհամապատասխանությունների արդյունքում ՀԱՄ-ի կողմից հավատարմագրման դադարեցման կամ կրճատման վերաբերյալ համապատասխան որոշման ընդունման դեպքում ՀԳՄ-ն կարող է հավատարմագրման կամ հավատարմագրման ընդլայնման հայտը ներկայացնել համապատասխան որոշումը ընդունելուց առնվազն վեց ամիս հետո:

6.1 Պարբերական, արտահերթ գնահատումների ժամանակ արձանագրված անհամապատասխանությունների հայտնաբերումից հետո ՀԳՄ-ի կողմից ՀԱՄ-ին ներկայացված դիմումի հիման վրա հավատարմագրման դադարեցման կամ կրճատման վերաբերյալ որոշման ընդունման դեպքում ՀԳՄ-ն կարող է հավատարմագրման կամ հավատարմագրման ընդլայնման հայտը ներկայացնել համապատասխան որոշումը ընդունելուց առնվազն վեց ամիս հետո:

### **Հոդված 18.** Օրենքի 18-րդ հոդվածում`

- 1-ին մասում «հավատարմագրման վկայագրերի» բառերը փոխարինել «տրված հավատարմագրումների» բառերով:
- 2-րդ և 3-րդ մասերն ուժը կորցրած ճանաչել,
- 4-րդ մասը շարադրել հետևյալ խմբագրությամբ.

«4. ԱՐՄՆԱԲ-ը տրված հավատարմագրումների ու հավատարմագրված ՀԳՄ-ների գործունեության արդյունքների ճանաչման համար կարող է դիմել տարածաշրջանային և (կամ) միջազգային հավատարմագրման կազմակերպությունների երկկողմ կամ բազմակողմ համաձայնագրեր ստորագրող կողմ դառնալու համար, ինչն իր հերթին ենթադրում է հավասարության սկզբունքներով փոխադարձ գնահատում:»:

- Լրացնել նոր 5-րդ մասով` հետևյալ բովանդակությամբ.

«5. Երկկողմ կամ բազմակողմ համաձայնագրեր կնքելու դեպքում ԱՐՄՆԱԲ-ը ճանաչում է հավատարմագրման միջազգային և տարածաշրջանային երկկողմ կամ բազմակողմ համաձայնագրեր կնքած կողմերի տրված հավատարմագրումները:»:

### **Հոդված 19.** Օրենքի 19-րդ հոդվածի`

- 1-ին մասը շարադրել հետևյալ բովանդակությամբ.

«1. ԱՐՄՆԱԲ-ը անդամակցում և համագործակցում է հավատարմագրման տարածաշրջանային և միջազգային կազմակերպությունների հետ, մասնակցում է նրանց գործունեությանը և համաձայնագրերի շնորհիվ ձեռք է բերում տրված հավատարմագրումների ճանաչում:»:

- Լրացնել նոր 3-րդ մասով հետևյալ խմբագրությամբ.

«3. ԱՐՄՆԱԲ-ը չպետք է մրցակցի այլ հավատարմագրման մարմինների հետ:»:

## **Հոդված 20.** Օրենքի 20-րդ հոդվածի՝

- 1-ին մասը շարադրել հետևյալ խմբագրությամբ.

«1. ԱՐՄՆԱԲ-ը կարող է հավատարմագրման ծառայություններ մատուցել օտարերկրյա ՀԳՄ-ներին հավատարմագրման տարածաշրջանային և միջազգային կազմակերպությունների, ինչպես նաև անդրսահմանային պահանջներին համապատասխան:»:

## **Հոդված 21.** Օրենքի 21-րդ հոդվածի՝

1) 1-ին մասը շարադրել հետևյալ խմբագրությամբ.

«1. ԱՐՄՆԱԲ-ը հրապարակում է երկկողմ, բազմակողմ տարածաշրջանային և միջազգային համագործակցության, տարածաշրջանային և միջազգային ճանաչման համաձայնագրերի կողմ հանդիսանալու փոխադարձ գնահատումների արդյունքները, ներառյալ համապատասխանության գնահատման գործունեության հավատարմագրման ճանաչման շրջանակը, դրանց վերաբերյալ ցանկացած փոփոխության, ԱՐՄՆԱԲ-ի կողմից հավատարմագրված օտարերկրյա ՀԳՄ-ների հավատարմագրման վերաբերյալ տեղեկատվությունը:»:

- 2-րդ մասն ուժը կորցրած ճանաչել:

## **Հոդված 22.** Օրենքի 22-րդ հոդվածի՝

- 1-ին մասի 2-րդ կետում «անդամավճարներից» բառը փոխարինել «վճարներից» բառով,
- 1-ին մասի 5-րդ կետում «օրենքով» բառից հետո լրացնել «և հավատարմագրման միջազգային ստանդարտներով» բառերով:
- Լրացնել նոր 1.1 մասով հետևյալ բովանդակությամբ.

«1.1 Հայաստանի Հանրապետության կառավարությունը երաշխավորում է, որ ԱՐՄՆԱԲ-ի ընդհանուր ֆինանսավորումը բավարար է իր գործունեությունը պատշաճ կերպով իրականացնելու համար:»:

- 2-րդ մասում «Մինչև երեք հավատարմագրման» բառերը փոխարինել «Հավատարմագրման» բառով:

## **Հոդված 23.** Օրենքի ուժի մեջ մտնելը

1. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

## **Հոդված 24.** Անցումային դրույթներ

1. Մինչև սույն օրենքի ուժի մեջ մտնելու պահը հավատարմագրված ՀԳՄ-ների համար անցումային շրջան է սահմանվում մինչև առաջին պարբերական գնահատումը: Սույն օրենքի ուժի մեջ մտնելու պահին հավատարմագրման հայտ ներկայացնող ՀԳՄ-ն պետք է համապատասխանի սույն օրենքի

դրույթներին:

2. ՀԳՄ-ն վճարում է սույն օրենքի 7-րդ հոդվածի 1-ին մասի 5.1) կետով սահմանված տարեկան վճար մինչև 2025 թվականի դեկտեմբերի 31-ը:

3. Սույն օրենքն ուժի մեջ մտնելուց 6 ամիս հետո Լիազորված պետական կառավարման մարմինը հաստատում է սույն օրենքի 6-րդ հոդվածի 2-րդ մասի 5.2), 5.3) և 3-րդ մասի 6.3), 6.4) կետերով սահմանված իրավակարգավորումները:

4. Սույն օրենքն ուժի մեջ մտնելուց 9 ամիս հետո Լիազորված պետական կառավարման մարմինը սահմանում է սույն օրենքի 6-րդ հոդվածի 3-րդ մասի 6.1) և 6.2) կետերով սահմանված իրավակարգավորումները:

5. Սույն օրենքի 5-րդ հոդվածով սահմանված կարգավորումները գործելու են սույն հոդվածի 2-րդ և 3-րդ մասերով նախատեսված Լիազորված պետական կառավարման մարմնի հրամանների ուժի մեջ մտնելու պահից: